

ՈՍԿԱՆՅԱՆ ԱՆԻ

(ՀՅԹԻ)

ՔԱՓԸՔՈՒՆԻ ԶՈՐԱԲԱՆԱԿԻ ՍՏՈՐԱԲԱԺԱՆՈՒՄՆԵՐԸ

Օսմանյան կայսրության կազմավորման և զարգացման պատմությունը սերտորեն կապված է նրա ռազմական համակարգի ձևավորման և զարգացման հետ: Դարեր շարունակ մարտունակ բանակը թուրք-օսմանների հաջող նվաճողական քաղաքականության հիմնական գործոններից մեկն էր:

Քափըքուլու¹ գորաբանակն իր կառուցվածքով, ստեղծման և ուսուցման հատուկ եղանակով Օսմանյան կայսրության կարևորագույն առանձնահատկություններից էր: Ստեղծելով այս գորաբանակը՝ թուրք առաջին սուլթաններն իրենց ապահովում էին մարտունակ զորքով, որն աստիճանաբար սկսում էր ավելի նկատելի երևոյթ դառնալ Օսմանյան կայսրությունում: Սկզբում քափըքուլուների հավաքագրումը կատարվում էր ռազմագերիներից (փենջ-ի եք)² և դեվշիքմեի (մանկահավաք, մանկաժողով) համակարգով. այսինքն կազմավորվում էր մի գորք, որը ոչ մի կապ չուներ թուրք էթնոսի և բարձր հասարակության հետ: Հավաքագրման եղանակն ինքնին քայքայում ու ձուլում էր հպատակ ժողովուրդներին: Հպատակ ժողովուրդներից էլ կազմավորված զորքը պատերազմում էր նրանց դեմ: Իսկ իշխող վերնախավի հետ կապի բացակայությունը բացառում էր սուլթանի դեմ ելույթներն ու պալատական դավադրությունները: Մակայն սուլթանական իշխանության հենարան լինելը բնորոշ է քափըքուլուներին, հատկապես ենիչերիներին, մինչև 17-18-րդ դդ.. այնուհետև նրանք աստիճանաբար դադարում են կատարել իրենց անմիջական պարտականություններն և վերջ ի վերջո դառնում են Օսմանյան կայսրության ռազմական առաջընթացը խոչընդոտող հզոր ուժերից մեկը:

Քափըքուլու գորաբանակը կազմված էր երկու հիմնական դասից՝ հեծյալ և հետևակ: Հետևակային մասի մեջ մտնում էին աջհմի, ենիչերի, ջեբեջի, թոփու, թոփաբաբաջը, հումբաբաջը և լադըմջը գորամիավորումներն. իսկ հեծելազորային մասն էր կազմում քափըքուլու հեծելազորը³:

Քափրքույու գորաբանակի ստորաբաժանումներն իրարից անկախ. սակայն միմյանց սերտորեն կապված գորամիավորումներ էին: Բոլոր ստորաբաժանումներն ուներին իրենց հատուկ նշանակությունն ու պարտականությունները:

Աջեմի (անփորձ. օտար) օջալյու: Աջեմի գորամիավորումը ստեղծվել է Մուրադ I (1362-1389թթ.) ժամանակաշրջանում՝ Չանդարլը Քարա Հալիլ և Քոնյայի մոլլա Ռ-յուսեմի առաջարկով⁴: Դեվշիրմեի համակարգով հավաքագրված տղաներին կրոնափոխ անելուց հետո ընդգրկում էին աջեմի գորամիավորման մեջ. որտեղ նախնական զինվորական կրթություն ստանալուց հետո ուղարկում էին քափրքույու գորաբանակի ստորաբաժանումներ: Առաջին օջախը մոլլա Ռ-յուսեմը հիմնադրել է Գելիբոլում, որի հրամանատարն էր ենիչերի յայաբաշիններից ընտրված Գելիբոլուի աղան⁵: Ստամբուլը գրավելուց հետո, այնտեղ են աջեմի գորամիավորում հիմնադրվեց:

Ստամբուլի աջեմի գորամիավորումից ընտրված խելացի, ընդունակ և բարեսեռ երիտասարդները վերցվում էին անհատական ուսուցման և քննությանը ընդունվում էին դպրոց: Այդպիսի դպրոցներից առաջինը, և թերևս յավագույնը Էնդերունն էր⁶: Էնդերունը պետական կադրեր պատրաստող կառույց էր, որտեղ կրթություն էին ստանում ապագա վեզիրները, բանակի ու նավատորմի հրամանատարները, վիլայեթի վալիները, բեյլերբեյները, պետության արտաքին հարաբերությունների, ֆինանսական և ուրիշ այլ հաստատությունների ղեկավարները⁷:

Աջեմի գորամիավորումը ենիչերի, ջեբեջի, թոփու, թոփարաբաջր գորամիավորումների համար զինվոր էր պատրաստում: 18-րդ դ. սկսած ենիչերիական գորամիավորման քայքայումը աջեմիների վրա նույնպես անդրադարձել է և աստիճանաբար հանգեցրել է աջեմիների նշանակության նվազմանն ու գորամիավորման անկմանը:

Ենիչերիական (նոր զորք) օջաղը: Ենիչերիական գորամիավորումը կազմավորվել է 14-րդ դ. առաջին թուրք սուլթանների Օրխանի (1324-1362թթ.) և Մուրադ I օրոք, որպես ռոճիկ ստացող հետևակ զորք (ինչպես մյուս բոլոր քափրքույունները): Մուրադ I ոչ միայն ստեղծել է տվյալ գորամիավորումը, այլև հատուկ նրա համար սահմանել է օրենքներ. «որպեսզի գորաբանակը լինի մարտունակ և պահպանի զինվորական կանոնադրությունն ու հավատարմությունը»⁸:

Մինչև 15-րդ դ. կեսերը ենիչերիական զորամիավորումը բաղկացած էր յայտ բոլորք (հետևակ վաշտ) կամ ջեմաաթ (աշխարհագոր) կռվող մեկ յասսից. 1451թ-ից սեքբանների (թեթևագեն ենիչերի) միացմամբ երկրորդ յասն ! կազմվել, այնուհետև ստեղծվել է ադա բոլորք (ենիչերիական վաշտի հրամանատարական կազմ) կռվող երրորդ դասը⁹:

Մինչև 17-րդ դ. ենիչերիները հավաքագրվում էին բացառապես աջեմի օղլաններից¹⁰. ավելի ուշ, երբ նրանց ու քափըքուլու մյուս զորամիավորումներին ամուսնանալու իրավունք տրվեց զորամիավորման շարքեր սկսեցին ընդգրկվել նրանց որդիները (քուլ օլլու): Ջորամիավորման գլխավոր հրամանատարը ենիչերի ադան էր¹¹. որը նշանակվում էր սուլթանի կողմից: Ենիչերի ադան ենթարկվում էր անմիջականորեն սուլթանին և ինքն էր կատարում սպայական բոլոր նշանակումներն ենիչերիական կորպուսում: Մարսիլին նշում էր, որ ենիչերի ադան կարող էր բարձր սպայական կոչում (սեքբանբաշի, քեթիյուդա-բեյ) տալ ցանկացած զինվորի¹²:

Օսմանյան սուլթանների արշավանքների ժամանակ ենիչերիական զորամիավորումն, իրենից ներկայացնելով կարևոր ռազմական ուժ, հանդիսանում էր անհրաժեշտ լրացում ֆեդալ-սիպահիների հեծելազորային խմբերին և պալատական հեծելազորին: Ենիչերիներն անփոխարինելի էին քչնամու բերդերի երկարատև պաշարումների ժամանակ՝ առանձնանալով, մինչև որոշակի ժամանակաշրջան, իրենց մարտունակությամբ և կարգապահությամբ, բարձր մարտական ոգով¹³:

18-րդ դարից սկսած ենիչերիների մարտունակությունն ընկավ և նրանց կարևորությունն աստիճանաբար նվազեց: Ենիչերիները սկսեցին պարբերաբար ընդլիմանալ սուլթանների ռազմական բարեփոխումներին: 1826թ. (ենիչերիական նոր խռովությունից հետո) հունիսի 17-ի որոշման համաձայն Մահմուդ II (1808-1839թթ.) լուծարեց ենիչերիական զորամիավորումը¹⁴:

Ջեբեջի (զրահագործ, զրահավոր) օջաղը: Ջեբեջի զորամիավորումը Մեհմեդ II Ֆաթիհի (1444-1481թթ. ընդհատումներով) ժամանակաշրջանում է հիմնադրվել: Ջորամիավորման գլխավոր հրամանատարը Ջեբեջի բաշին էր¹⁵: Հին թուրքերենում «ջեբե»-ին (զրահագցեստ) «զըի» էր կոչվում: Այնուհետև «կրակե ռազմամթերք» իմաստը թուրքերենում «ջեբեհանե/ջեփեհանե» ձևով է կիրառվել¹⁶: Ջեբեջի զորամիավորումն ենիչերիների, ինչպես նաև այլ քափըքուլու ստորաբաժանումների համար

զենք էր պատրաստում. իսկ պատերազմներից առաջ և հետո պահպանում
ու անհրաժեշտության դեպքում վերանորոգում էր այդ զենքերը:

Օսմանյան կայսրության ռազմավարական կարևոր նշանակություն
ունեցող կետերում ջերեհաններ կային: Ջերեջի գորամիավորման
շարքային զինվորների սուր կոսմ նվազումը կապված էր երիչերիական
գորամիավորման հետ. քանի որ այս երկու գորամիավորումներն իրար
հետ կապված էին ինչպես կանոնակարգով. այնպես էլ դարավոր
կապերով: 1826թ. ենիչերիական գորամիավորման հետ այս
գորամիավորումը մայնպես լուծարվեց:

Թուփչու (հրետանավորներ) օջաղը: Օսմանյան կայսրության
հաջողությունները պայմանավորված էին հրետանու կիրառմամբ:
1389թ. Կոսովայի կռիվում օսմանյան բանակում առաջին անգամ
թնդանոթ օգտագործվեց¹⁷: 15-րդ դ. հրետանին սկսելով իր
հաղթարշավը՝ 16-րդ դ. Սուլեյման Քանունիի (1520-1566թթ.) ջանքերով
իր զարգացման ամենաբարձր կետին հասավ¹⁸:

Թուփչու գորամիավորումը հիմնադրվել է Մուրադ I
Ժամանակաշրջանում ենիչերիական գորամիավորումից հետո¹⁹:
Չորամիավորման գլխավոր հրամանատարը թուփչու բաշին էր: Արշավանքի
գնալիս հրետանավորները ջերեջիների առջևից էին գնում: Սարտի դաշտում
հրետանավորները երեք խմբի էին բաժանվում: Սի խումբը ենիչերիների
ստջևում կանգնելով՝ թնդանոթներով նրանց պաշտպանում էր
հարձակումներից, մյուս երկու խմբերը (ձիու պալտի տեսքով) երկու
ծայրերում էին կանգնում²⁰: Աջենի գորամիավորումից թուփչու
գորամիավորում անցնելուց հետո, զինվորներից ընտրում էին հրաձիգային
մասում ծառայողներին և թնդանոթաձուլաբաններում աշխատանքներին:

Թուփարաբաջը կամ արաբաջը օջաղը: Թուփարաբաջը
գորամիավորումը թուփչու գորամիավորման հետ կապված, սակայն
նրանից անկախ քափըքուլու գորաբանակի վաղը ստորաբաժանումներից
է²¹: Սկզբնական շրջանում, երբ թնդանոթները վաղը չափերի էին, դրանք
հնարավոր էր ուղտերով և ջորիներով տեղափոխել, ավելի ուշ, երբ
ձուլվեցին մեծ տրամաչափի թնդանոթներ, դրանք սայլերով տեղափոխելու
անհրաժեշտություն առաջացավ: Դրա հետևանքով ստեղծվեց
թուփարաբաջը գորամիավորում (արաբա նշանակում է սայլ):

Որոշ պատմիչ ժամանակագիրներ (Օրուջ բեյի պատմությունը, Ալիի
պատմությունը) նշում են, որ թուփարաբաջիները կիրառվել են Մեհմեդ II

որոք են²²: Ըստ թուրք պատմաբան Օզթունալի՝ թուրքաբազր գորամիավորումը հիմնադրել է Բայազիդ II (1481-1512թթ.)²³:

Հումբարաջր ոջաղը: Հումբարաջր գորամիավորումը բաժանվում էր երկու մասի. նրանց մի մասը կապված էր ջերեջի գորամիավորմանը, մյուսը՝ թուխու: «Հումբարա» («Հումբարա» ժողովրդական լեզվում) նշանակում է ձեռքի նոնակ²⁴: Քափըքուլու գորաբանակի համար նոնակ պատրաստող դաս էր: Օզթունան նշում է, որ նրանց գորանոցները և գործարանները Սկյուտարում (Üsküdar) էին գտնվում²⁵:

Լաղըմջր ոջաղը: Օսմանյան բանակում լաղըմջր գորամիավորումը նշանակությունը մեծ էր: Նրանք պատերազների ժամանակ ամրացները կործանելու համար թունելներ էին փարում, բերդեր էին պայթեցնում: «Լաղըմ»-ները ստորերկրյա փորված անցքերն են²⁶: Ջորամիավորումը երկու մասից էր կազմված. առաջինը գտնվում էր ջերեջի բաշիի հրամանատարության տակ, երկրորդ խմբի լաղըմջիները զեամեթներ և թիարներ ունեին²⁷:

Օսմանյան կայսրությունը ռազմավարատիրական երկիր էր: Ռազմական համակարգի ճկունությամբ էր պայմանավորված նրա նվաճողական քաղաքականության հաջողությունները: Օսմանյան բանակի կարևորագույն ստորաբաժանումներից մեկի՝ քափըքուլու գորաբանակի ստեղծման նախադրյալների ու նպատակների ուսումնասիրությունը մեզ տալիս է հսկայական նյութ կայսրության պատմության մի շարք փաստերի և երևույթների բուն էությունը համակողմանի պատկերացնելու համար:

ANI VOSKANYAN

(AGMI)

THE SUB-UNITES OF THE KAPIKULU ARMY

History of formation and development of one of the powerful states of Middle Ages, the Ottoman Empire, is closely connected with the characteristics of its military structure. This structure has been the basis of successful aggressive policy of Turk-Ottomans for years. One of the most important features of the Ottoman Empire is *Kapikulu* with its unique structure, its special way of formation and education. The conscription of *Kapikulu* was done by *penc-i yek* and *devşirme* system.

The staff of *Kapıkulu* army consisted of *acemi, yeniçeri, cebeci, topçu, toparabacı, humbaracı, lağımçı* bodies of troops. and cavalry part of *Kapıkulu* cavalry.

ԾԱՆՈԹԱԳՐՈՒԹՅՈՒՆՆԵՐ

1. «Զուլ» բարգմանաբար նշանակում է «ստրուկ»: «Զուլ» տերմինը պահպանվել էր այն ժամանակներից, երբ զինվորները հավաքագրվում էին գերիներից և համարվում էին սուլթանի ստրուկներ: *Меъде-и Канун-и Яеничер-и Оджаги Тарихи*, ևнед., перен., комент. и указ. И. Петросян, М., 1987, с. 29.
2. Փենջ-ի երը (հինգից մեկը) կամ Փենջիքը կիրառվում էր գերի ընկած քրիստոնյա ազգաբնակչության նկատմամբ, ովքեր պարտավոր էին բուրքերին հանձնել իրենցից յուրաքանչյուր հինգ հոգոց մեկին կամ վճարել համապատասխան փրկագին: Պատերազմի ժամանակ գերի ընկած զորահրամանատարներն ու զինվորներն ևս հարկվում էին: Շաքարյան Ա., «Արյան հարկը» Օսմանյան կայսրությունում. Դեվլիքմե, Եր., 2006, էջ 26-27:
3. Uzunçarşılı İ., Osmanlı Devleti Teşkilatından Kapıkulu ocakları, Ankara, 1944, s. 1-2.
4. Yurt Ansiklopedisi, İstanbul, 1984. c. 11, s. 8106.
5. AnaBritannica, Genel Kültür Ansiklopedisi, Ankara, 1993, c. 1, s. 53.
6. Sevinç N., Osmanlı'nın Yükselişi ve Çöküşü, İstanbul, 1999, s. 301.
7. Նույն տեղում, էջ 302:
8. Марсильи, Военное состояние Оттоманской империи, Спб., 1737, с. 51.
9. Uzunçarşılı İ., Osmanlı Tarihi, Ankara, 1947, c. 1, s. 254.
10. Goodwin G., The Jahissaries, London, 1997, p. 70.
11. Koçi Bey, Risalesi, İstanbul, 1939, s. 92.
12. Марсильи, նշվ. աշխ., էջ 59:
13. *Меъде-и Канун-и Яеничер-и Оджаги Тарихи*, նշվ. աշխ., էջ 28:
14. Петросян Ю. А., Османская империя. Могущество и Гивель, М., 1990, с. 182.
15. Uzunçarşılı İ., Osmanlı Tarihi, Ankara, 1949, c. 2, s. 553.
16. Öztuna Y., Osmanlı Devleti Tarihi, İstanbul, 1986, c. 2, s. 99.
17. Նույն տեղում, էջ 96:
18. Uzunçarşılı İ., Osm. Dev. Teş. Kapıkulu..., c. 2, s. 35.
19. Նույն տեղում, էջ 36; Y. Öztuna, նշվ. աշխ., էջ 96:
20. Նույն տեղում, էջ 57:
21. Öztuna Y., նշվ. աշխ., էջ 98:
22. Uzunçarşılı İ., Osm. Dev. Teş. Kapıkulu..., c. 2, s. 97.
23. Öztuna Y., նշվ. աշխ., էջ 98:
24. Նույն տեղում:
25. Նույն տեղում:
26. Նույն տեղում:
27. Uzunçarşılı İ., Osm. Dev. Teş. Kapıkulu..., c. 2, s. 131.